

نفس المسرحية

هي نفس المسرحية
بنلأقيها في كل دور
مين بطل مين الضحية
مين وقف جوه الطبور
قصة مليانه أسية
والألم واخذ حضور
هي كلمة م البداية
تخدعك وتبان بطيبة
تخلع الوش البريء
تلقي غدرك ف الحقيقة
ميت قناع والكل زيف
أو خداع وبميت طريقة
كلنا أبطال رواية
مكتوبين في ألف شكل
دور وماشي ع الصغير
والكبير مالهش حل
كله عايش ف البراءة
جوه منه ألف غل
وحكايات من فعل كان

واللي ياما كان زمان
في الشديدة الكل يهرب
في الوفاء الكل خان
دي نهاية المسرحية
واكتفت بيها السطور